



Ministarstvo poljoprivrede, šumarstva i vodoprivrede HNŽ-K
Ministarstvo poljoprivrede, šumarstva i vodoprivrede HNK
Министарство пољопривреде, шумарства и водопривреде ХНК

Broj: 06-22-2006-1/25
Mostar, 06.10.2025. godine

Na osnovu člana 37. Zakona o lovstvu („Službene novine Federacije BiH“, broj: 4/06, 8/10 i 81/14), Odluke o osnivanju lovišta u Hercegovačko-neretvanskom kantonu („Službene novine HNK“, broj: 11/13) i Pravilnika o uslovima, kriterijima, postupku i načinu vrednovanja ponuda za dodjelu privredno-sportskih lovišta u zakup („Službene novine HNK“, broj: 3/20), Ministar poljoprivrede, šumarstva i vodoprivrede Hercegovačko-neretvanskog kantona raspisuje

JAVNI POZIV za dodjelu privredno-sportskih lovišta u zakup na području Hercegovačko-neretvanskog kantona

1. Predmet Javnog poziva

Predmet Javnog poziva je dodjela u zakup slijedećih privredno-sportskih lovišta:

- | | |
|----------------------------------|-------------------------------|
| a) Lovište „Prenj-Velež“, Mostar | površina lovišta 54.120,60 ha |
| b) Lovište „Konjic“, Konjic | površina lovišta 69.040,00 ha |

Granice lovišta iz stava (1) ove tačke, površine lovišta, tip lovišta, namjena lovišta, osnovne vrste divljači, ostale vrste divljači i zaštićene vrste divljači definisane su Odlukom o osnivanju lovišta u Hercegovačko-neretvanskom kantonu („Službene novine HNK“, broj: 11/13).

2. Vrijeme trajanja zakupa

Lovišta iz tačke 1. se dodjeljuju u zakup na period od 10 (deset) lovni godina.

3. Pravo sudjelovanja na Javnom pozivu

U skladu s odredbama člana 37. stav 2. Zakona o lovstvu („Službene novine Federacije BiH“, broj: 4/06, 8/10 i 81/14) (u daljnjem tekstu: Zakon), pravo sudjelovanja na javnom pozivu za dodjelu privredno-sportskih lovišta u zakup imaju lovačka udruženja.

4. Početna cijena godišnje zakupnine

Početna cijena godišnje zakupnine lovišta ne može biti manja od 10% planiranog godišnjeg prihoda od odstrjela divljači iz važeće lovnoprivredne osnove ili privremenog godišnjeg plana gospodarenja lovištem, u skladu s odredbama člana 37a. Zakona.

5. Obavezan sadržaj ponude

Podnositelj prijave za Javni poziv obavezan je dostaviti slijedeću dokumentaciju:

- 1) Uredno popunjenu prijavu na obrascu objavljenom na web stranici Ministarstva www.mpsv-hnz-k.ba, potpisanu i ovjerenu pečatom podnosioca prijave;
- 2) Rješenje o upisu u Registar udruženja izdato od nadležnog organa;
- 3) Uvjerjenje o poreskoj registraciji (ID broj);
- 4) Obavijest o razvrstavanju pravnog lica prema klasifikaciji djelatnosti;
- 5) Dokaz o članstvu u Lovačkom savezu Herceg Bosne ili Savezu lovačkih organizacija BiH (Uvjerjenje);
- 6) Uvjerjenje izdato od nadležnog suda da lovačko udruženje nije kažnjavana za prekršaj iz člana 82. stav 1. tačka 1. do 5. Zakona;
- 7) Izjavu, potpisanu i ovjerenu od strane ovlaštenog lica, da će u slučaju da bude izabran za korisnika lovišta, osigurati depozit ili bankovnu garanciju u visini godišnje naknade zakupnine, prije potpisivanja ugovora o dodjeli lovišta na korištenje;
- 8) Izjavu potpisanu i ovjerenu od strane ovlaštenog lica, da će lovačko udruženje, u slučaju da bude izabrano za korisnika lovišta, u roku od šest mjeseci od dana potpisivanja ugovora o dodjeli lovišta na korištenje, osigurati:
 - Lovočuvarsku službu u skladu s odredbama člana 75. Zakona, te u skladu s odredbama Pravilnika o vrsti uniforme, oznakama, uslovima za nošenje oružja, vrsti oružja i veličini lovočuvarskog rejona („Službene novine F BiH, broj: 63/08),
 - Stručnu osobu za planiranje i realizaciju stručnih poslova lovstva u skladu s odredbama člana 42. Zakona,
 - Lovačke pse u skladu s odredbama člana 10. Zakona;
- 9) Izjavu, potpisanu i ovjerenu od strane ovlaštenog lica, o dosadašnjim ulaganjima u objekte predmetnog lovišta evidentirane u katastar istog lovišta i njihovu vrijednost, te popis i vrijednost opreme, uređaja i sredstava za uzgoj i zaštitu divljači i listu stručnih kadrova;
- 10) Izjavu, potpisanu i ovjerenu od strane ovlaštenog lica, o planiranim novčanim ulaganjima (izraženo u KM) u lovno privredne i lovno tehničke objekte, opremu, uređaja i sredstava za uzgoj i zaštitu divljači, te stručne kadrove za razdoblje za koje se lovište daje u zakup;
- 11) Izjavu potpisanu i ovjerenu od strane ovlaštenog lica kojom se dokazuje broj članova udruženja u godini u kojoj se raspisuje javni poziv;
- 12) Plan gospodarenja lovištem i promicanja lovstva za period za koji se lovište daje na korištenje, potpisan i ovjeren od strane ovlaštenog lica;
- 13) Ponudu o visini godišnje zakupnine za korištenje lovišta iskazanu u postotku (%) planiranog godišnjeg prihoda od odstrjela divljači koja ne može biti manja od 10 % planiranog godišnjeg prihoda od odstrjela divljači iz važeće lovno-privredne osnove ili privremenog plana gospodarenja lovištem, potpisanu i ovjerenu od strane ovlaštenog lica.

Svi dokumenti koji se prilažu uz prijavu na Javni poziv moraju biti originali ili ovjerene kopije, ne stariji od 6 (šest) mjeseci.

Ministarstvo nema obavezu vraćanja dokumentacije pristigle na Javni poziv.

6. Otvaranje, vrednovanje i rangiranje prijava

Otvoravanje, vrednovanje i rangiranje prijava pristiglih po ovom Javnom pozivu izvršit će Komisija koju imenuje Ministar poljoprivrede, šumarstva i vodoprivrede Hercegovačko-neretvanskog kantona, što je u skladu s odredbama člana 37a. Zakona.

Vrednovanje i rangiranje ponuda vršit će se u skladu s Pravilnikom o uslovima, kriterijima, postupku i načinu vrednovanja ponuda za dodjelu privredno-sportskih lovišta u zakup („Službene novine HNK”, broj: 3/20).

Vrednovanje i rangiranje ponuda za dodjelu lovišta u zakup vrši se na temelju slijedećih kriterija:

- a) Zakupnina
 - Visina ponuđene zakupnine za korištenje lovišta..... 40%
- b) Dosadašnja ulaganja u objekte predmetnog lovišta
 - Vrijednost dosadašnjih ulaganja u objekte predmetnog lovišta evidentirane u katastar istog lovišta, iskazane u KM 25%
- c) Ulaganja u lovno tehničke i lovno uzgojne objekte i stručni kadar
 - Planirana novčana ulaganja u lovno tehničke i lovno uzgojne objekte i stručne kadrove predmetnog lovišta za razdoblje za koje se lovište daje u zakup 25%
- d) Članstvo u lovačkom udruženju
 - Brojnost članstva..... 10%

Ako dva ili više ponuđača nakon izvršenog bodovanja ostvare isti broj bodova, smatrat će se povoljnija ponuda lovačkog udruženja koja je ponudila viši iznos zakupnine za korištenje lovišta.

Ukoliko se i nakon primjene prethodnog stava ne bude mogao odabrati povoljniji ponuđač, povoljnijom ponudom smatrat će se ponuda lovačkog udruženja koja ima brojnije članstvo.

7. Zaključivanje ugovora o zakupu

Odluku o dodjeli lovišta u zakup najpovoljnijem ponuđaču iz Javnog poziva na prijedlog Ministarstva poljoprivrede, šumarstva i vodoprivrede HNK donosi Vlada HNK.

S najpovoljnijim ponuđačem Ministar poljoprivrede, šumarstva i vodoprivrede Hercegovačko-neretvanskog kantona će zaključiti ugovor o zakupu predmetnog lovišta na razdoblje od 10 (deset) lovni godina najkasnije u roku 10 dana od dana pribavljanja pozitivnog mišljenja na prijedlog ugovora od Javnog Pravobranilaštva HNK.

8. Rok i adresa za podnošenje prijava

Javni poziv će se objaviti u „Službenim novinama Hercegovačko-neretvanskog kantona“ kao i na web stranici Ministarstva www.mpsv-hnz-k.ba, a skraćeni tekst javnog poziva u „Oslobođenju“ i „Večernjem listu“.

Rok za podnošenje prijava je 20 (dvadeset) dana od dana objavljivanja Javnog poziva u „Službenim novinama HNK“.

Prijave sa traženom dokumentacijom se dostavljaju u zatvorenoj koverti sa napomenom:

- **NE OTVARATI „Javni poziv za dodjelu privredno-sportskog lovišta _____ u zakup”**, preporučenom poštom ili dostavljačem/primopredajom na adresu:

**Ministarstvo poljoprivrede, šumarstva i vodoprivrede HNK,
Hrvatske mladeži bb, 88 000 Mostar**

Prijave s nepotpunom dokumentacijom, kao i one podnesene nakon navedenog roka neće se uzeti u razmatranje.

9. Poništenje javnog poziva

Ministar poljoprivrede, šumarstva i vodoprivrede HNK će na prijedlog Komisije donijeti odluku o poništenju ovog Javnog poziva u slijedećim slučajevima:

- ako nijedan od ponuđača ne ispunjava uslove odnosno ne priloži svu potrebnu dokumentaciju u roku i na način objavljen u ovom javnom pozivu;
- ako je cijena najpovoljnije ponude manja od početne cijene godišnje zakupnine lovišta propisane Zakonom o lovstvu;
- ako za javni poziv ne pristigne niti jedna pravovaljana ponuda.

10. Druge informacije

Informacije vezane za Javni poziv mogu se dobiti svakim radnim danom u periodu od 9,00 do 14,00 sati na telefon 036-445-900.

